


鑑撮

卷二之四



漢書門			
八	八	八	八
一	四	四	類
冊	架	函	號

庫文閣内		
三	八	漢
五	一	
函	七	
三		
架		

内閣文庫		
番號	漢	870-
冊數	16	(8)
函號	285	13



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







鑑撮

晉

傳四主共五十二年後為東晉

武帝

改

姓司馬氏名炎溫縣人昭之子滅魏平吳都洛陽  
 元泰始咸寧太康在位二十五年壽五十五歲  
 羊祜鎮襄陽輕裘緩帶鈴閣清巖與吳人開布大  
 信吳邊人悅服祜與吳荊州牧陸抗對境抗遺祜  
 酒祜飲之不疑抗疾祜與之成藥人多諫抗勿服  
 抗曰豈有酖人羊叔子祜哉祜疏請伐吳復面陳

漢草文庫

監最卷一

晉

六



伐吳之計杜預張華贊成之帝以祐病欲使祐臥  
護諸軍祐曰取吳不必臣行但既平之後當勞聖  
慮耳還鎮疾篤舉杜預自代而卒祐好遊峴山嘗  
謂從事鄒湛曰自有宇宙便有此山由來聖哲登  
此者多矣皆湮沒無聞湛曰公聞望當與此山俱  
傳襄人建碑其上歲時祭祀望碑流涕謂之墮淚  
碑 傅立司隸性峻急每有奏劾或值日暮捧白簡  
踈踊待旦 王濬與王渾爭平吳功范通護軍謂濬  
曰卿功則美矣所以居美者未善也卿不見蘭生

之屈廉頗乎濬曰吾終不能遣諸胷中是吾福也

程據太醫獻雉裘帝焚于殿前詔天下毋得獻奇異

帝自平吳之後留意聲色掖庭殆將萬人嘗乘羊

車恣其所之宮人以竹葉插戶鹽汁灑地以引帝

車 自劉阮昏酣以來士大夫如王澄阮修咸從子

胡母音巫輔之謝鯤畢卓等皆效之卓爲吏部郎盜

飲比舍郎酒被縛樂廣河南尹曰名教中自有樂地

何必乃爾 賈充性巧諂充達子也父子臣魏而

與司馬氏爲腹心帝爲太子充與有力帝益寵充



荀勗中書與馮統尉皆厚結充勗先官中書後遷尙

書令人賀之勗曰奪我鳳凰池何賀為時鮮卑亂

秦雍帝欲命充督軍充不願外出勗曰惟有結婚

太子乃可留因與統勸帝納充女為太子妃充遂

益專權充嘗與朝士宴庾純祭酒醉與充爭言充曰

父老不歸養卿為無天地純曰高貴鄉公何在

初司馬氏廢其君芳范粲太宰遂不仕寢所乘車足

不履地凡三十六年年八十四 樂廣王衍尙書

等善清談廣與物無競宅心事外衍戎從弟也衍

神情明秀少時山濤吏部尙書見之曰何物老嫗生此

寧馨兒言好兒也然誤天下蒼生者此人也戎亦效廣

衍清談戎性貪吝家有好李賣之而鑽其核恐人得其

也阮瞻嘗見戎戎問曰聖人貴名教老莊明白然

其旨同異瞻曰將毋同戎咨歎良久遂辟薦也之人

謂之三語掾 初漢魏以來羌胡鮮卑降者多處

之塞內諸郡中原半屬夷人漸為民害郭欽侍御史

請漸徙雜胡于邊地峻四夷出入之防明先王荒

服之制帝不聽又下詔撤去州郡兵後五胡亂華



盜賊蠡起州郡無兵不能制晉室遂大壞前輩謂

五部為晉禍階是天之報魏假手于晉而天之報晉即假手于魏齊王攸武帝弟

德望日隆荀勗勸帝出攸都督青州攸未行憤怨

發病死王哀痛父義司馬師在殺之遂不

仕晉廬于墓側攀柏悲號涕泣著樹樹為之枯讀

詩至哀哀父母生我劬勞三復流涕門人為之廢

蓼莪初帝徵李密為太子洗馬密上陳情表密

嘗言吾獨立于世顧影無儔然而不懼者以無彼

此于人故也

惠帝

名衷武帝子改元永熙永康永寧太安永興

光熙在位十七年壽四十八歲帝顛駭衛瓘尚書

令嘗醉跪武帝前以手撫床曰此座可惜武帝悟

帝子適明慧過人武帝嘗于宮中望火適年五歲

牽武帝裾入閤中曰暮夜倉猝宜備非常不可令

照見人主武帝大奇之因恃適慧故帝得不廢適長

不好學被廢死帝嘗在華林園聞蝦蟆謂左右曰此鳴

者為官乎為私乎時天下饑荒百姓餓死帝曰何



不食肉糜 賈后充女也醜妬而淫與程據等通  
賈后兄模與后舅郭彭等薦託如市貨賂公行魯  
褒作錢神論稱錢爲家兄字之曰孔方蓋諷之也  
時張華司空裴頠僕射戀位苟安無能救正 周處中丞  
有文武才彈劾不避會齊萬年反權要惡處使處  
討之而援兵不發處力戰死處少不修細行諸父  
老謂處曰子知三患乎南山白額獸一也長橋下  
蛟二也并子三也處遂殺虎搏蛟勵志修身成正  
士 楊太后帝繼母也數誡賈后賈后憾之楊太

后父駿太傅又抑賈后不得預政賈后乃誣駿謀反  
殺之因廢楊太后賈后無子立適爲太子適幼慧  
而長不學賈謚構太子于賈后召入強醉之使潘  
岳黃門作書草稱詔令書之其文曰陛下宜自了不  
自了吾當入了之太子醉迷依寫之賈后呈帝乃  
廢太子旋毒殺之 索靖關內侯知天下將亂指洛  
陽宮門銅駝歎曰會見汝在荆棘中耳 時晉室  
八王相繼誅死八王者亮倫顓瑋又允穎罔也賈  
后徵亮爲太宰亮頗專賈后惡之使帝作手詔命



瑋收亮并衛瓘斬之張華慮瑋擅朝權又勸賈后  
 收瑋斬之倫與孫秀嬖人謀矯詔收賈后賜死并殺  
 張華裴頠以除朝望華嘗辟韋忠忠曰張茂先華字  
 依附賊后必溺深淵方恐餘波及我况可褰裳就  
 之耶華至是及于難於是倫有異志倫自為相國  
 秀典兵已而允帥兵討倫倫殺允并殺潘岳石崇  
 衛尉等以其奉允為亂也岳有文才然躁而趨利崇  
 被收歎曰奴輩利吾財耳收者曰何不早散之崇  
 與王愷後將皆富于財以奢侈相高崇有妾綠珠

秀求之不與遂及禍綠珠美而艷崇為交趾採訪使以珍珠一斛致之崇被收  
顧綠珠而出涕曰今日之事特為汝也綠珠自擲樓下而死宋子虛詩云紅粉捐軀為主家珍珠一斛委泥沙年來金谷園中燕銜取香泥葬落  
花吁綠珠亦女中傑哉而崇則財色死之也倫篡  
 位遷帝金墉城其黨皆為卿相每朝會貂蟬盈座  
 時人諺曰貂不足狗尾續未幾罔穎顛又等討倫  
 倫大敗遂賜倫死并殺秀帝復位罔輔政罔驕奢  
 擅權顛乃表罔罪請又廢罔以穎輔政又遂殺罔  
 穎亦恃功驕奢嫌又在內遂與顛共攻之又奉帝  
 拒之已而東海王越收又殺之於是穎與顛表裏



為奸越因討穎戰于蕩陰越敗績帝頰中三矢嵇

紹侍中朝服登輦以身衛帝因被殺血濺帝衣穎迎

帝入鄴左右欲浣衣帝曰嵇侍中血勿浣也未幾

東嬴公騰越弟起兵討穎穎勢窮顓乃廢穎既而穎

顓并被殺凡八年中八王皆死亮汝南王倫趙王

穎成都王閏齊王張翰善屬文為齊王閏掾

慮禍及因秋風起思菰菜蓴羹鱸魚膾歎曰人生

貴適志耳富貴何為即引去 陸機中書郎者抗子

也與弟雲右司馬並有才名兄弟附勢與劉琨潘岳

左思等皆交賈謚號二十四友機為成都王穎都

督或譖之穎收機機歎曰華亭鶴唳可復聞乎機

與雲皆見殺初顧榮戴淵勸機還吳機不從卒有

是禍先是或勸機讓都督之位機曰彼將謂吾首

鼠兩端鼠性疑出穴多不果適所以速禍也 八王既絕五

胡雲擾五胡者劉淵石勒姚氏苻氏慕容氏也時

江統洗馬作徙戎論以警朝廷帝不能用及賈后召

禍諸胡乘釁並起自長淮以北無復晉土為戰爭

場者幾二百年 初東海王越與顓之相攻也劉



弘鎮南將軍上表曰骨肉之禍莫如今日萬一四夷乘

虛為變此亦猛虎交鬪自效于卞莊者也莊子欲刺虎或

告之曰兩虎方食牛食甘必鬪鬪則大者傷小者死一舉可得雙虎弘為都督每手

書付守相皆悅之咸曰得劉公一紙書賢于十部

從事 帝食餅中毒崩或曰東海王越之鳩

懷帝

名熾惠帝弟改元永嘉在位六年劉聰執而弑之

時劉聰繼淵自立其將劉曜石勒王 屢寇中原

晉不能支 王衍為司徒以弟澄為荊州都督族

弟敦為青州刺史已居中為三窟以自固至是劉

聰遺石勒陷許昌執衍問晉故衍辭曰少無宦情

不豫世事因勸勒稱尊號冀以自免勒曰君少壯

登朝何言無宦情破壞天下非君而誰夜使人排

墻殺之推倒其墻以壓殺之 石勒等執帝送平陽封平阿

公劉聰問帝曰卿家骨肉何相殘如此曰大漢將

應天受命故為陛下自相驅除此天意非人事也

劉曜使帝青衣行酒弑帝侍中庾珉王雋死之

愍帝



名業吳王晏之子懷帝姪也即位于長安改元建

興在位四年降于劉聰聰弑之衛玠洗馬美風神

嘗曰人有不及可以情恕非意相干可以理遣故

終身不見有喜怒之色王登每聞玠言輒歎息絕

倒時人語曰衛玠談道平子絕倒玠妻父樂廣有

重名人以為婦翁冰清女壻玉潤初何曾相曰

食萬錢猶云無下箸處永嘉之末何氏無遺種其暴

珍之劉聰使帝執蓋辛賓尚書死之

東晉傳十一主共一百五十年

元帝

名睿琅琊王觀之子都建康改元太興永昌在位

六年壽四十八歲晉自武帝至愍司馬懿之統絕

馬懿惡牛氏鳩其將牛金其實恭王如夏侯氏與

小吏牛金通而生元帝也前史載元帝之父為小

吏牛其姓與夏侯通而生元帝元帝世系殆類

曹操皆迷其本姓先儒謂元帝冒姓司馬不若徐

知誥歸姓李氏之為實初元帝與西陽汝南南頓

彭城五王渡江時有五馬渡江一馬化龍之謠元

帝果自愍帝被執中國無君者幾二年及凶問至

元帝始即位為東晉之祖帝引王導大將為謀

主命導升御床共座導辭曰若太陽下同萬物蒼



生何由仰照導引用顧榮賀循陶侃庾亮卞壺刁協等百餘人時人謂之百六掾 初桓彝騎都尉避亂過江見導退謂周顛曰向見管夷吾無憂矣時諸名士遊宴新亭顛歎曰風景不殊舉目有山河之異因相視流涕導變色曰當共戮力王室克復神州何至作楚囚對泣耶 導與從弟敦同心輔戴子弟布列顯要時人語曰王與馬共天下 祖逖嘗與劉琨太尉同寢中夜聞鷄鳴蹴琨覺曰此非惡聲因起舞帝以逖為豫州刺史逖渡江中流擊

楫而言曰祖逖不能清中原而復濟者有如大江琨嘗謂人曰吾枕戈待旦常恐祖生先吾著鞭謂先取功名也逖在軍石勒不敢寇聞王敦作亂感激發病卒 王敦驕橫與朝臣劉隗刁協相惡陰蓄異志任用沈充錢鳳俱嬖人為心腹帝分鎮備之敦舉兵據石頭城殺戴淵軍將周顛僕射帝憂憤成疾遂崩先是敦久有逆謀帝嘗疑導導帥宗族待罪顧周顛呼曰伯仁字顛救我顛不顧顛入見帝為申救甚至顛出導又呼之顛不與言復狂言曰今年殺諸賊



奴取金印如斗大繫肘後既又上表明導無罪導初不知也及敦欲殺顓以問導導竟不阻敦後見顓救己之表泣曰我雖不殺伯仁伯仁由我而死

明帝

名紹元帝長子改元太寧在位三年年二十七歲王導受遺詔輔政帝先與庾亮溫嶠等為布衣交至是與導亮嶠及郗鑒中書等謀討王敦值敦病篤導遽率子弟為敦發喪敦隨死乃發敦瘞出屍跪而斬之錢鳳沈充並伏誅 敦之反也使郭璞

筮之璞曰明公起事禍必不反敦怒曰卿壽幾何璞曰命盡今日日中敦斬之

成帝

名衍明帝子改元咸和咸康在位十七年年二十二歲 王導庾亮同輔政時蘇峻歷陽內史陰有異圖亮欲徵峻舉朝不可亮不聽遂徵峻為大司農峻果反陷姑孰詔亮督諸軍討之十壺等皆戰死峻兵入臺城亮逃奔潯陽峻遂遷帝石頭城桓彝宣內史死之後峻被誅亮泥首謝罪 溫嶠先為劉琨



右司馬琨遣嶠奉表詣建康勸進謂之曰吾當立  
功河朔使卿延譽江南嶠將行其母崔氏止之嶠  
絕裾而行 陶侃嘗爲廣州刺史在州無事朝運  
百甓甓于齋外暮運于齋內或問之曰吾方欲致  
力中原故習勞耳侃之都督荊州也軍府事檢攝  
無遺終日斂膝危坐無惰容嘗曰大禹聖人乃惜  
寸陰至于衆人當惜分陰嘗造船木屑竹頭皆令  
籍之會雪晴聽事濕以木屑布地及桓溫伐蜀以  
竹頭作丁也釘裝船其綜理微密皆此類也 蘇峻

之反也溫嶠聞建康不守邀侃同赴國難侃兼道  
而進遂殺峻時王導入石頭令取故節侃笑曰蘇  
武節似不如是導有慚色昔人謂王導之于王敦亦司馬師昭之司馬孚也幸敦以不成而死耳 溫嶠還鎮至牛渚磯聞其下多怪物嶠燃犀角照之見奇形異狀是夜夢神曰與君  
隔幽明何意相照也嶠惡之至鎮薨

康帝

名岳成帝弟改元建元在位二年年二十二歲

穆帝

晉書卷二

晉

七



名聘康帝子改元永和升平在位十七年年十九

歲時帝年三歲褚太后臨朝以會稽王昱錄尚

書事殷浩刺才名冠世王濛嘗曰深源浩字不起

如蒼生何時庾翼都督亦有名頗輕浩曰此輩宜束

之高閣浩與褚裒都督齊名江東桓彝嘗謂裒曰季

野裒字有皮裏春秋言外無臧否而內有褒貶桓溫都督尚成

主公負雄才劉惔丹陽尹奇之然知其有不臣之志惔

因謂會稽王昱曰溫不可使居形勝之地昱不聽

溫益跋扈昱引殷浩參政以抗溫溫甚憤時王羲

之將軍導從子也勸浩不宜與溫構隙浩不從已而浩伐

秦喪師帝廢浩為庶人自此內外大權歸于溫矣

浩嘗書空作咄咄怪事字溫謂郗超曰浩有德有

言朝廷用違其才耳溫將以浩為尚書令浩喜將

答書慮有謬誤開閉者十數竟達空函溫怒遂與

浩絕溫用郗超為參軍王珣為主簿府中語曰髯

參軍短主簿能令公喜能令公怒溫自江陵北伐

與寮屬登平乘樓望中原歎曰遂使神州陸沈百

年正墟王夷甫衍諸人不得不任其責初王導



辟王述爲掾導每發言一座稱善述正色曰人非堯舜安得每事盡善先是庾亮居外鎮執朝權導不平嘗遇西風塵起舉扇自蔽徐曰元規亮字塵汚人也

哀帝

名丕成帝子改元隆和興寧在位四年年二十五歲桓溫疏請遷都洛陽孫綽著作郎疏其不可綽少慕高尚嘗著遂初賦以見志溫見綽表不悅曰致意興公綽字何不尋君遂初賦而與人家國事耶

帝奕

哀帝弟改元太和在位六年桓溫廢爲東海王時溫位諸侯王上陰懷不臣嘗撫枕歎曰男子不能流芳百世亦當遺臭萬年及伐燕與慕容垂戰敗于枋頭威名頓減已而拔壽春謂郗超曰足以雪枋頭之恥乎超曰未也公不爲伊霍之舉無以立大威權溫遂詣建康廢帝立會稽王昱溫仍請還鎮姑孰

簡文帝

監最卷二

晉

五



名昱元帝少子改元咸安在位二年壽五十二歲  
簡文美風儀清虛寡慾無濟世大畧

孝武帝

名曜簡文帝子改元寧康太元在位二十四年年  
三十五歲 簡文遺詔曰家國事一稟大司馬溫  
溫妄冀簡文臨終禪位一旦失望心疑王坦之侍  
謝安侍所為恨之於是入朝或言欲殺王謝溫大  
陳兵衛延見朝士坦之流汗沾衣倒執手版安從  
容就席謂溫曰安聞諸侯有道守在四鄰兵不用明

公何壁後置人耶溫笑而撤之郗超為溫謀主溫  
使超臥帳中聽其言風動帳開安笑曰郗生可謂  
入幕之賓矣安與坦之盡忠輔衛卒安晉室會溫  
卒溫弟冲代領其眾冲能忠于晉桓溫慕王敦嘗  
行經王敦墓望  
之曰可人可人初王敦墓曹操至詠其  
樂府歌以如意打唾壺為節壺邊盡缺 安少有  
重名嘗遊東山以妓女自隨士大夫相謂曰安石  
安不出如蒼生何時秦王苻堅大舉入寇帝使安  
弟石督安姪玄將拒堅時眾心危懼安惟鎮以和  
靜玄入問計安曰已別有旨既而寂然命駕遊山



金瓶梅  
墅與客圍碁若無事者已而秦將梁成屯洛澗立  
命劉牢之直前擊之斬成秦兵赴淮水死者甚眾  
堅見晉兵嚴整望八公山草木皆以爲晉兵也秦  
兵逼淝水而陣立等渡水擊之秦兵大敗聞風聲  
鶴唳皆以爲晉兵且至死者十七八安得捷書與  
客圍碁如故客問之曰小兒輩遂已破賊既罷局  
還內過戶限不覺屐齒之折也 帝委政會稽王  
道子寵張貴人嗣爲貴人所弑 初郗超黨桓氏  
以父愔忠于晉絕不令知及超病出一箱書授門

生曰我死之後若我父過哀卽呈此不爾便焚之  
超卒愔果成疾門生呈箱皆與溫往返密計也愔  
怒曰小子死已晚矣遂不復哭 時長星見帝舉  
酒祝之曰長星勸汝一杯酒自古何有萬歲天子  
耶

安帝

名德孝武之子改元隆安元興義熙在位二十年  
劉裕弑之年三十七歲 桓立襲南郡公者溫之孽子  
也時玉國寶射僕等諂附道子立謀討之說殷仲堪



都曰請與晉陽之甲共除君側之惡晉趙鞅取晉陽之甲以逐

荀寅與土吉射二人君側惡人也仲堪許之遂殺國寶等既而玄

與仲堪忤殺仲堪玄勢益強時道子之子元顯尚書

令謀討玄玄斬之道子等皆死玄自為相國封楚

王桓謙刺私問劉裕時為內史曰楚王勲高朝廷之情

咸謂宜有揖讓卿以為何如裕曰有何不可謙喜

曰卿謂之可即可耳於是玄稱帝廢安帝為平固

王玄登御床忽陷羣下失色殷仲文尚書進曰將由

聖德深厚地不能載玄悅玄嘗以劉裕為人傑

玄妻曰裕龍行虎步宜早除之玄不許至是裕與

何無忌劉毅等討玄玄懼甚或曰裕等烏合必無

成玄曰裕一世之雄毅家無擔石儲樗蒲一擲百

萬無忌酷似其舅無忌劉牢之甥也共舉大事何謂無成

無忌夜草檄文其母窺之泣曰吾不及東海呂母

明矣呂母者子為縣吏幸以小罪殺之呂母乃傾

家貲以報讐事在新莽天鳳四年於是裕大破玄兵玄出走玄復

挾安帝入江陵馮遷都護擊玄誅之裕以劉穆之為

左僕射託以心膂穆之內總朝政外供軍旅目覽

耳聽手答口酬悉皆瞻舉決斷如流裕伐蜀伐秦



執晉柄者幾二十年北魏崔浩曰劉裕之平禍亂司馬德宗之曹操也安帝字

德宗

恭帝

名德文安帝之弟改元元熙在位二年劉裕廢而弑之

鑑撮

晉十六國

前趙

起晉惠帝甲子終晉成帝已丑凡二十六年

趙劉淵國號以後石勒亦稱趙

故稱淵為前趙

劉淵字元海漢時南匈奴單于於扶羅之孫左

賢王豹之子也本冒頓讀沒突之裔因漢高祖以

宗女為公主妻冒頓故子孫冒姓劉淵博習經

史嘗恥隨何無武絳灌無文晉武帝嘗歎曰淵

容儀機鑿雖由余日磾音低無以過也仕晉為五



部大都督五部豪傑多歸之淵從祖宣謂族人  
曰左賢王英武超世天苟不欲興匈奴必不虛  
生此人也今司馬氏骨肉相殘復呼韓邪之業  
此其時矣晉惠帝時王浚等討成都王穎淵說  
穎還召五部以禦之穎說拜淵北單于已而淵  
背穎曰五漢氏甥約爲兄弟兄亡弟紹不亦可  
乎乃建國號曰漢於是石勒王彌劉靈相繼降  
淵遂稱帝淵卒子和嗣其弟聰弒之自立聰擅  
文武才遣石勒劉曜等陷洛陽執懷帝繼陷長

安執愍帝時嬖寵用事刑賞紊亂有泣諫者聰  
怒曰何爲生來哭人於是災異洊告聰妻劉氏  
產一蛇一猛獸女化爲男三日並出平陽雨血  
十里聰隨卒子粲立靳準中護軍弒之執劉氏男  
女無少長皆靳聰後遂絕已而淵之族子曜誅  
靳準卽位曜好讀書善屬文淵嘗曰此吾家干  
里駒也曜以晉惠帝后羊氏爲后曜嘗問羊后  
曰我何如司馬家兒曰陛下開基聖主彼亡國  
暗夫彼有一婦一子及身而三曾不能庇妾意



謂世間男子皆然自奉巾櫛以來始知天下自有丈夫耳曜立二年改國號曰趙未幾曜將石勒自稱趙王曜被殺前趙亡

後趙起晉成帝戊子終晉穆帝己酉凡二十二年 趙石勒國號以前劉曜先號趙

故稱勒為後趙

石勒字世龍本匈奴別部勒年十四行販洛陽倚上東門長嘯晉王衍識其有異遣收之已逸去初為盜繼降劉淵淵僭號拜勒大將軍陷晉鄴冀等州郡眾至十餘萬集衣冠人物號君子

營及淵卒劉聰立遣勒侵晉殺王衍等勒勢益強聰不能制已而聰卒劉曜立勒遂殺曜勒雖不好學聽人讀書時以其意論古今得失聞者悅服嘗聽讀漢書至酈食其讀異基勸立六國後曰此法當失及聞留侯諫曰賴有此耳又嘗言朕遇漢高當北面事之與韓彭比肩若遇光武當並驅中原未知鹿死誰手大丈夫行事宜確音磊落落如日月皎然終不效曹孟德司馬仲達欺人孤兒寡婦狐媚以取天下也勒謀臣張



賓自比子房提劍詣軍門勒奇之凡勒戰伐威  
名賓謀居多時有天竺僧佛圖澄善神咒腹旁  
有一孔塞以絮夜則拔絮光照一室嘗出臍腑  
孔中就流水洗之還內于孔預言成敗多驗勒  
謹奉之勒稱帝蒲洪姚弋仲俱氏皆降五胡之  
盛無過勒者勒優禮士大夫每戒胡人毋侮易  
衣冠參軍樊坦誤言羯賊觸諱惶恐謝罪勒曰  
孤律防俗士不關卿輩書生少與同鄉李陽爭  
毆召陽謂曰孤曩厭卿老拳卿亦飽孤毒手嘗

欲營鄴宮續咸諫勒怒將斬之既而曰爲君不  
得自專如是且停役以作直臣氣勒一時之傑宜其崛起也  
勒在位六年是爲高祖勒從子虎字季龍勇冠  
當時勒寵任之勒授愛子弘大單于封虎中山  
王虎怒私曰大單于當授我乃與黃吻婢兒耶  
待主上晏駕不復留餘種弘字大雅好屬文勒  
嘗曰大雅情情殊不似將家子及勒卒遺命曰  
大雅兄弟宜善相保司馬氏汝曹之前車也中  
山王宜勉爲周霍旣而虎弑弘自稱天王虎自



滿詔書以五色紙爲之于木鳳口中銜出嘗令  
太子宣祈福山川建天子旌旗虎望之曰我家  
父子如是非天崩地陷當復何愁虎旣立宣爲  
太子又欲立次子韜宣遂殺韜宣亦伏誅乃立  
幼子世虎卒世立已而石閔閔本姓冉虎養  
爲子因姓石等  
說其兄遵弒世自立遵又欲除閔閔殺遵立遵  
弟鑒未幾閔又殺鑒自立閔弒石氏無遺種閔  
後與燕戰燕兵斬之

前燕

起晉成帝丁酉終晉帝  
奕庚午凡三十四年

燕慕容皝國號  
以後垂寶亦號

燕故稱皝  
爲前燕

慕容皝音幌鮮卑人世附中國拜大單于至慕容  
廆音毀而益強時五胡擾亂惟廆有翼戴晉室心  
及愍帝被擄廆遣使至江左勸進於是元帝立  
廆卒皝乃自稱燕王皝廆  
子也繼以未奉晉命遣長  
史劉翔至建康求大將軍燕王章璽朝議久不  
決翔曰嫠婦猶知恤宗周之隕君輩曾無憂國  
之心乎晉乃勉從其請未幾叛晉皝卒子儁嗣  
儁使弟垂及恪評伐趙遂稱帝儁卒子曄立曄



以恪為太宰恪性行嚴重虛中應物任兼將相  
軍民感悅晉聞儁卒以為中原可圖桓温曰恪

尚在憂方大耳及恪病暉問後事恪曰垂可任

也北魏崔浩云恪輔幼主暉之霍光也於是評輔暉評貪昧猜忌

垂懼誅奔秦秦王苻堅伐燕燕大敗秦執暉殺

之南燕慕容德立

後燕起晉孝武丙戌終晉安帝戊戌凡十三年燕慕容垂國號以前慕容皝先號燕

故稱垂為後燕

慕容垂皝第五子也年十三即勇冠三軍初名

霸更名垂及慕容暉立垂為慕容評所忌乃率

其子令及諸子寶農等奔秦秦王苻堅大喜王

猛勸堅除之堅曰吾方收攬英雄奈何殺之及

堅伐晉敗于淮淝寶農等皆勸垂圖堅會北狄

翟斌叛堅使垂伐之垂轉與斌合斬秦將復取

燕地遂稱帝時垂年將七十矣垂卒垂子令早

死寶乃即位時北魏伐燕寶大敗奔中山後燕

亡此後垂弟德據廣固稱南燕寶子盛據龍城稱北燕

北燕起晉安帝義熙五年終宋文帝元嘉十三年凡二十八年以其在北故稱北燕



慕容盛寶之子也先是西燕慕容冲稱帝頗自矜盛年十三謂其叔柔曰十人之長亦須才過九人今中山王才不逮人而驕殆難濟乎後冲果為其下所殺寶卒盛稱帝盛之叔熙立熙垂少子熙不道熙妻死熙斬衰食粥葬之日被髮徒跣於是將軍馮跋弑熙稱天王跋卒跋弟弘稱天王尋為北魏所滅

南燕起晉隆安庚子終晉義熙庚戌凡十一年以其在北燕南故稱南燕

慕容德覬之少子垂之弟也初德鎮守鄴城有

威名及慕容寶奔龍城德遂稱帝德卒無嗣兄子超即位晉劉裕來伐執超殺之

前秦起晉穆帝壬子終晉孝武帝甲午凡四十三年秦苻氏國號以前秦故稱後姚氏亦號秦

苻健本臨渭氏酋種初姓蒲健父蒲洪仕趙石虎為刺史已而自稱王洪死健稱帝國號秦健卒子生立生狂暴有勇力恣意誅殺生眇一目因諱言殘缺少無之類誤犯死者無算於是健弟堅殺生而自立堅任王猛字景略猛少儻有





大志披褐見桓溫捫蝨而談當世之務旁若無人溫異之曰江東無卿比也猛相堅黜尸素拔幽滯勸農練兵官必當材刑必當罪國富兵強秦大治北魏崔浩云王猛之治國苻堅之管仲也猛病篤堅問後事猛曰晉雖僻處江南然正朔相承臣歿之後願勿圖晉時秦有天下之八堅恃強將伐晉羣臣切諫不聽惟慕容垂有復燕之志利其南伐乃贊成之堅遂起兵號百萬與晉謝玄等戰于淮淝堅大敗未幾堅為姚萇所殺先是彗星見太

史令張孟曰十年之後燕當滅秦於是堅子不稱帝晉陽未幾卒堅族孫等稱帝南安後為姚

興所殺前秦亡

後秦起晉孝武帝甲申終晉安帝丁巳凡三十四年秦姚氏國號以苻氏先號秦故

稱後秦

姚萇南安赤亭羌也父弋仲有眾數萬初降趙繼降晉弋仲有四十二子萇其第二十四子也第五子襄勇而愛人弋仲臨卒謂襄曰我死亟歸晉執臣節襄遂歸晉未幾叛後為秦主苻生



所殺萇以其眾降秦苻堅之敗也萇篡秦殺堅  
稱帝萇卒子興立興性至孝勤政納諫遠近肅  
然有羅什者天竺國沙門也興奉為國師大集  
胡僧以華音譯番語其書曰盛羅什有術一日  
謂興曰有二小兒登吾肩欲障須婦人興進宮  
女一交生二子又以妓女十人奉之諸僧亦欲  
蓄室羅什聚針盈盆舉七食之如常曰能此乃  
可諸僧愧服興卒子泓立晉劉裕來伐泓見殺  
後秦亡

西秦凡四十  
秦乞伏氏國號以同時有前秦  
後秦其地又在兩國西故稱西  
秦

乞伏鮮卑姓也自紇干號可汗讀克傳至司繁  
降苻堅署為單于司繁卒子國仁代之據隴右  
國仁卒弟乾歸稱王乾歸為其族乞伏公府所  
弑子熾磐誅公府自稱河南王遷都枹罕讀夫  
熾磐卒子暮末嗣尋為夏主赫連定所殺地入  
于夏

成漢凡四十  
三年



李雄宕渠氏也初雄父特至蜀聚眾為盜破成都晉羅尚斬之雄遂稱成都王國號成雄在位政刑寬簡民富國安雄卒子班立雄庶子越弒班立其弟期漢王壽廢之壽遂稱帝改成曰漢壽卒子勢立勢不道桓溫伐之勢降成漢亡

前涼

凡七十

涼張氏國號以後呂氏亦號涼故稱前涼

張軌烏氏人為晉涼州牧軌卒子寔襲職寔為劉弘所殺子駿年幼眾推寔弟茂為刺史時劉曜擊涼茂降曜封為涼王因國號涼茂卒駿

嗣位駿歷事劉曜石勒仍去趙官爵稱晉官駿勤修庶政民富兵強分境內為二十二郡以州牧不能統乃自稱涼王以攝之駿卒子重華嗣重華卒子曜靈嗣其後兄弟相戕為苻堅所滅

後涼

凡十九年

涼呂氏國號以前張氏亦號涼故稱後涼

呂光略陽郡人為秦將軍秦王堅死遂襲涼州未幾稱天王光卒子紹立光庶子纂弒紹自立光弟子超弒纂立兄隆為天王初光呼紹字言曰永業才非撥亂直以立嫡有常汝兄弟輯



睦則祚流萬世若自相圖則禍不旋踵纂等不守其訓以是及禍及姚興擊涼遂亡

南涼凡十時禿髮氏與沮渠氏李氏皆號涼八年而禿髮國在涼州南故稱南涼

僞檀姓禿髮鮮卑別種也僞檀兄烏孤雄勇有

大志呂光以為都統已而烏孤自稱西平王烏

孤卒弟利鹿孤繼之利鹿孤卒僞檀繼之始稱

涼王時姚興欲取之使韋宗覘之僞檀與宗論

當世大略縱橫無窮宗退而歎曰奇才英氣不

必華夏明智敏識不必讀書吾今乃知九州之

外五經之表復自有人也歸言于興曰僞檀權

譎過人未可圖也其後僞檀輕敵弛備竟為西

秦王熾磐所殺國遂亡

北涼凡三十時沮渠氏與禿髮氏李氏皆號涼九年涼而沮渠國在涼州北故稱北

涼

蒙遜姓沮渠胡人也雄傑有策略其伯父羅仇

為呂光所殺蒙遜起兵報讐攻拔涼地以眾歸

西涼王段業尋弒業自立稱河西王後為北魏

所滅



西涼 凡二十一年

時李暠與禿髮氏沮渠氏皆號涼而暠國在涼州西故稱西涼

李暠字元盛隴西人據敦煌自稱涼公暠卒子

歆立後為北涼蒙遜殺

夏 凡二十五年

赫連勃勃胡人也初姓劉改姓赫連國號夏勃

勃魁岸美風儀先為後秦將軍既而據朔方自

稱天王嘗伐南涼大敗涼兵名臣勇將死者什

六七勃勃積尸而封之號**髑**音讀樓臺以示武

功先是晉劉裕復長安留幼子義真守之而東

歸勃勃曰裕急欲篡晉狼狽而歸此天以關中

賜我也於是取長安義真逃歸勃勃稱帝勃勃

卒子昌嗣北魏伐夏昌被誅昌弟定奔平涼稱

帝後亦為魏殺

嘉永戊申

